

8/99

Z A K O N

O IZMJENAMA I DOPUNAMA ZAKONA O KANTONALNOM ZAVODU ZDRAVSTVENOG OSIGURANJA GORAŽDE

Član 1.

O nazivu Zakona o Kantonalnom zavodu za zdravstveno osiguranje ("Službene novine Bosansko - podrinjskog kantona Goražde" br. 8/97) i članu riječi: "Kantonalni zavod za zdravstveno osiguranje", u odgovatajućim padežima, zamjenjuje se riječima "Kantonalni zavod zdravstvenog osiguranja".

Član 2.

U članu 2. stav 2. mijenja se i glasi: Naziv Zavoda je: Zavod zdravstvenog osiguranja Bosansko-podrinjskog kantona Goraždžde.

Stav 3. mijenja se i glasi:

"Skraćeni naziv Zavoda je Kantonalni zavod zdravstvenog osiguranja".

Član 3.

U članu 4. tačka na kraju stava se briše i dodaju riječi: "s pravima, obavezama i odgovornošću utvrdjenim federalnim i ovim zakonom i Statutom Zavoda.

Član 4.

U članu 5. riječ: "Pravilima" zamjenjuju se riječju "Statutom".

Član 5.

U članu 5. stav 1. u alineji 5. zarez na kraju se briše i dodaju riječi: "i naknadu za pogrebne troškove".

U alineji 6. iza riječi "plaće" dodaju se riječi: i najviši iznos naknade plaće".

Iza alineje 8. dodajue se nove alineje 9,10, i 11. koje glase:

- učestvuje u izradi i provodi međunarodne ugovore o socijalnom osiguranju u djelu koji se odnosi na obavezno zdravstveno osiguranje,
- obavlja poslove u vezi sa ostvarivanjem zdravstvene zaštite u inozemstvu, i privatnih zdravstvenih radnika, saglasno zaključenom ugovoru za tekuću godinu,

- obavlja poslove izrade podzakonskih i općih akata u vezi ostvarivanja prava iz obaveznog zdravstvenog osiguranja, za čije su donošenje nadležni kantonalni organi, odnosno organi Zavoda".

Disadašnja alineja 9. postaje alineja 12.

Član 6.

U članu 7. iza riječi: "Bosansko-podrinjskom kantonu Goražde", dodaju se riječi: (u daljem tekstu: KANTON)."

Član 7.

U članu 9. iza riječi: "čine" dodaju se riječi: "stambeni fond i druge," a iza riječi "nepokretne" dodaje se riječ "kao".

Član 8.

U članu 13. u stavu 2. broj "7" zamjenjuje se brojem "9".

Član 9.

U članu 14. u stavu 1. broj "4" zamjenjuje se brojem "2".

U stavu 2. riječi: "7 članova i to" brišu se.

U stavu 4. riječ "Pravilima" zamjenjuje se riječju "Statutom"

Član 10.

U članu 15. u stavu 1. alineja 3. riječi: "na koju Ministarstvo zdravstva osnivača daje saglasnost" brišu se.

U alineji 3. riječi: "Pravila Zavoda uz saglasnost Vlade" zamjenjuje se riječima: "Statut Zavoda, uz saglasnost Skupštine Kantona".

U alineji 5. riječ: "uz saglasnost Ministra zdravlja" brišu se.

U alineji 6. riječi: "uz saglasnost Ministra" brišu se.

U alineji 7. i alineji 15. riječ: "Ustanove" zamjenjuje se riječju "Zavoda".

Iza stava 1. dodaje se novi stav 2. koji glasi:

"Upravni odbor može obrazovati odbore i komisije za izvršavanje odredjenih zadataka".

Član 11.

U članu 16. stav 2. mijenja se i glasi: "Direktor Zavoda:

- organizuje rad i poslovanje Zavoda,
- provodi dogovore, sporazume i ugovore koje je Zavod zaključio ili im pristupio,
- zastupa i predstavlja Zavod pred trećim licima,
- odgovara za zakonitost rada Zavoda,
- stara se o blagovremenom obezbjeđenju finansijskih sredstava, njihovoj namjenskoj upotrebi i zakonitom, pravilnom i blagovremenom ostvarivanju prava osiguranih lica,
- daje naloge za izvršavanje finansijskog plana Zavoda i drugih akata Upravnog odbora,
- rukovodi radom Stručne službe i daje stručna uputstva i smjernice u cilju zakonitog, pravilnog i blagovremenog obavljanja poslova,
- stara se o izradi podzakonskih i općih akata iz djelokruga Zavoda za čije donošenje su nadležni organi Kantona, odnosno Zavoda,
- obrazuje radne grupe za izradu složenih akata i materijala,
- stara se o ostvarivanju javnosti rada,
- rješava o pravima iz obaveznog zdravstvenog osiguranja,
- stara se o pripremi i održavanju sjednica Upravnog odbora, te odbora i Komisija koje obrazuje Upravni odbor Zavoda,
- predlaže Upravnom odboru mjere za efikasno i zakonito obavljanje poslova iz djelokruga Zavoda,
- sprovodi i organizuje izvršavanje odluka, zaključaka i drugih akata Upravnog odbora i komisija,
- odobrava nabavku materijala i drugih sredstava potrebnih za rad Stručne službe,
- utvrđuje unutrašnju organizaciju i sistematizaciju radnih mjesta Stručne službe i donosi Pravilnik o određivanju koeficijenata za utvrđivanje plaća službenika Zavoda,
- raspoređuje službenike i namještenike na odgovarajuća radna mjesta, te odlučuje o njihovim pravima i odgovornostima u skladu sa zakonom i drugim propisima,
- izvršava Plan raspodjele finansijskih sredstava,
- vrši i druge poslove u skladu sa zakonom,
- podzakonskim propisima, Statutom i drugim opštim aktima.

Iza stava 2. dodaje se novi stav 3. koji glasi:

"Statutom Zavoda bliže se utvrđuje djelokrug rada, prava i odgovornosti direktora".

Dosadašnji stav 3. postaje stav 4.

Član 12.

U članu 17. u stavu 1. i članu 22. riječ: "Bosansko-podrinjskog kantona Goražde" zamjenjuju se riječima : "Kantona".

Član 13.

U članu 23. u stavu 1. i 2. i članu 25. riječ "Pravila" zamjenjuje se riječju "Statut".

Član 14.

Ovaj zakon stupa na snagu osmog dana od dana objavljivanja u "Službenim novinama Bosansko-podrinjskog kantona Goražde".

Brij: 01-02-145/99.
09.JUNI 1999. g.
Goražde

PREDSJEDAVAJUĆI SKUPŠTINE:

Ramiz Drakovac